

天台山方外志

壬戌九秋

吳興旦表題卷



天台山方外志卷第九

天台山幽溪沙門 傳燈 撰

神僊考第十

天台山古稱神僊窟宅道書指赤城爲玉京洞天乃十大洞天之一茅司命所治其下別有洞臺方二百里魏夫人所治南馳縉雲北接四明東距溟渤西通剡川桐柏山號金庭洞天王子晉所治之處中有日月三辰之精光燭洞天金臺玉室瑤花芝草等物可以修鍊金丹故好道之士皆依棲焉夫神僊之界絕於人境惟有僊緣者得以見之若劉阮之逢僊女可交之遇至人自古及今能幾人斯然劉阮踪蹟道家傳談以爲盛事而或者以神僊絕欲無婚配事難之而道士卒無以自解不知僊者

同於欲界雜於地居進於人而劣於天而欲界六天尙未出欲
矧神僊乎第欲情漸薄與人爲異故經云六受欲交抱執手笑
視媼以次推輕重可知神僊之欲輕於人而重於天又可知也
而儒者陸可大又以費禮刺之其詩有云古來賢潔羞自媒神
僊往往非凡胎劉晨阮肇如有道詎肯費禮婚天台云此不獨
欲以方內之教以繩方外且又欲以儒禮而訓神僊矣不知彼
有僊緣緣卽良媒若董永之孝感而天帝妻之僊女董以天爲
媒安知劉阮不以僊爲媒乎禪者或又曰若如子言則宋景祐
中護國寺僧明照亦見此物照卽叱曰山鬼伎倆復欲魅道人
耶言已卽隱此復云何余對曰學佛與學僊異學僊者惟恐不
得見相學佛者惟恐著相尙不著佛而求矧著僊乎雖一切不

著亦不固謂之無此三教之道用之所以爲異也然深山窮谷之中千年木石每爲鬼物所附其變幻詭異往往惑人在在有之此不可不辯而求僊者又不可不知也舊志所書僊凡混淆今爲兩門先神僊次道士若寒山拾得則已書於聖僧志中以非僊類故也

神僊

軒轅黃帝

神僊體道通鑑云黃帝嘗往天台山受金液神丹

商伯夷叔齊

道書稱二子死爲九天僕射治洞柏由今桐柏觀有二石像鑄製奇古體色溫潤或云王靈寶請之

徽宗宮中然無所據

周彭宗

字法先師杜冲真人授丹經五千文守一之道嘗有神燈浮空映席五色雲霞臨繞能三晝夜通爲一息或自

沒水底竟日方出若瞑目僵臥輒一年許不動塵委其上積厚如紙能以一氣誦五千文通爲兩遍氣禁蛇虎亦能禁凶

人使手足不覺自拘或使幽靈擊之年一百五十歲常如二十年少周厲王丙申太上遣僊官下迎爲太清真人治赤城宮

王喬

字子晉靈王太子好吹簫作鳳鳴浮丘公接以上嵩高三十餘年後人求之不得偶見巨良曰告我家人七月七日

待我於緱氏山至時果見喬乘白鶴而去道家稱爲右弼真人治桐柏山掌吳越水旱五代時封元弼真人宋政和三年封元應真人紹興庚申加號善利廣濟真人台之寺院奉爲護伽藍神蓋一方土地主也事蹟具見靈異考

控鶴僊人

天台山元靈老君華真僊師遣第七僊子名屬仁乘雲駕鶴遊歷武夷山安排地僊見張湛等各僊分

乃遣何鳳兒往天台山取籍檢視僊籍各有姓名乃安排魏王而下一十三人同居此山

西漢茅盈

字叔申少秉異操天才穎燦十八棄家遇西城王君告以玉佩金璫之法玄迹渺邁白日神僊乘飛步虛

越波凌津靈官奉從著於民口節旄旌旗光耀天下並教二弟茅固茅衷上道三神乘鶴各治茅山盈與王君俱去到赤城玉洞蒞司命之任出入太微受事太極也

李奉僊

東蜀人自幼不語年十八常欲寒栖以避臭茹人問之曰知白守黑道貴昏默我卽南岳公云吾周靈王太子

吹笙者也今授子朱綱之法將并度南宮吾師浮丘公授子
今付於子子宜勤守若更此生萬劫不度吾將爲南岳司命
侍帝晨又補桐柏真人言
訖遂隱漢宣帝詔不起

東漢劉晨阮肇

漢永平五年剡縣劉晨阮肇共入天台山迷不

桃樹大有子實永無登路攀緣籐葛乃得上各啖數枚而饑
止體充復下山持杯取水欲盥漱見蕪青葉從山腹流出甚
鮮新復一杯流出有胡麻飯糝便共汲水逆流行二三里得
度山出一大溪邊有二女子姿質妙絕見二人持杯出便笑
曰劉阮二郎捉向所失流杯來晨肇旣不識之緣二女子便
呼其姓如似有舊乃相見而悉問來何晚因邀還家其家銅
瓦屋西壁東壁下各有一大牀皆施絳帳四維帳角懸鈴金
銀交錯牀頭各有十侍婢敕云劉阮二郎經涉山岨向雖得
桃實猶尚虛可速作食食胡麻飯山羊脯牛肉甚美食畢行
酒有一羣女來各持五三桃子笑曰賀汝婿來酒酣作樂暮
令各就一帳宿女就之言聲清婉令人忘憂遂停半年氣候
草木是春時百鳥啼鳴更懷悲思求歸甚苦女曰罪使君思
家當可如何遂呼前來女子有三四十人集會奏樂共送劉
阮指示還路旣出親舊零落邑屋改異無相識問訊得七世
孫傳聞上世入山迷不得歸至
晉太元八年總復去不知何所

王思真

王思真者位爲太上侍經僊郎漢靈帝光和二年己未正月一日太上老君降於天台山命思真披九光之韞

書洞玄太洞等經三十六卷以授太極左僊公葛玄

張皓

字文明汝南人漢安帝永初中遇封衡授以青要紫書金根上經及神丹半兩從而戒之曰勤則得之替則失之皓

俯伏受命入赤城山服丹行道久之耳能洞聽目能徹視常有學者迫來訪之則或爲白鶴或爲飛雲搏空遊虛隱沒莫

見至魏明帝太和初登真

陰長生

受太上之命住赤城

吳葛僊公

名玄字紫先道士支道紀夢通玄真人從大羅天降生十八九歲僊道漸成入天台赤城精思念道遇左

元放授以九丹金液僊經効鬼祕法三元真一妙經行持三年廣積功效光和二

年正月朔感太上老君敕真人徐來勤等同降於天台授靈寶經三十六部及上清齋法二等并三

籙七品齋法今桐柏有法輪院三真降經之處及僊公役鬼所築受誥壇存焉又得分形萬化之術靈感應變之法道成

乃於天台山立壇授道微五岳真形圖曰吾昔受左元放先生今付於汝後玉帝三頒錫命服閣皂煉成之丹聞僊樂嘹唳旌幢翳天坐八景琅輿僊童玉女左右衛迎百鶴繞空冉

冉而舉位爲太上玉
宗太極左宮僊公

晉袁根柏碩

剡縣人因驅羊度赤城山忽有石門豁然見二女
方笄遂爲室家後謝歸女以香囊遺之根後羽化

碩年九十餘
見搜神記

班孟

是女子能飛行服酒餌丹年四百歲色如少女能飛行坐
虛空之中與人談語又能入地中初沒足漸至腰及胸髻

良久而盡沒不見又以指刻地卽成井可汲指人瓦屋卽飛
嘗取人桑果數千株聚之如山十餘日吹之各還其本處如
故又能含墨水噴紙成文字皆有意義後入
天台山僊去事出僊苑編珠或訛大冶山云

魏夫人

名華存西王母降之授以玉清隱書三十餘真名歌陰
歌陽歌之曲王母爲之和上元夫人亦答歌王母及上

元夫人紫陽左僊公太極僊伯清虛王君乃攜華存同去東
南行俱詣天台山洞宮玉宇之下衆真皆從王母昇還龜臺
矣

王玄甫

沛人也同吳人鄧伯元學道於赤城受服青精飯吞日
精丹景之法內思洞房積三十四年乃內見五臟冥夜

中能書穆帝永和元年正月十五日天帝遣羽車
迎之與鄧伯元垂雲駕龍白日昇天爲中岳真人

許邁字叔玄勾曲人也入懸壺山改名遠遊服術黃精感太乙真人定錄茅君授上法後移赤城遇王世龍受解束反行之道服玉液朝腦精三年之中面

有童顏後度世東宮為地僊中品

羊愔

兄忻為台州樂安令遊阮郎亭崖上有字世傳阮肇題愔醉亭畔七日方醒夢入洞遇靈英食青靈芝百節俱輕自

括蒼往天台一日可到日行三四百里

梁徐則

道士徐則者東海剡人入縉雲山修道太極徐真人降謂曰汝出八十當為王者師然後得道因廬天台山絕

粒養和所資惟松水而已梁武帝詔講道要徐陵欽其風致晉王廣召問道法謂門人曰吾今年八十一王召我徐真人

之言驗矣既至則辭以日時不利至五更寂然返真王命便送還天台是日江都人或見師徒步云得還返至舊隱令弟

子掃一室曰有客至宜延之於此有頃跨石梁而去翌日果柩至方知其異

唐王遠知

天台道士也其母夢靈鳳有娠僧寶誌曰生子當為神僊宗伯年七歲日覽萬言十五入華陽事陶貞白

授三洞正一法潘師正是其入室弟子而司馬承禎則師正弟子也遠知善易知人死生禍福作易總十五卷一日雷雨

雲霧中老人叱之曰汝所著書何在上帝命吾攝六丁雷電追取遠知方懼傍有衣青衣人已捧書立矣老人責曰上帝

禁文自有飛天保衛金科祕於玄都汝何敢輒藏緗帙遠知
對曰青丘之老傳授老人曰上帝敕下汝僊品已及受度期
展四年之紀數也又以小時誤傷一童子唇不得白日昇天
署少室僊伯將行沐浴焚香而化年一百二十六歲後於東
海借迅風與人
飛渡至登州

司馬承禎

字子微洛州溫人
事潘師正傳辟穀導引術遍遊名

然賀知章盧藏遠宋之問王適畢構爲僊宗十友睿宗復迎
至京師訪以治道曰游心於淡合氣於漠與物自然而無容
私焉則天下治帝嘆詠曰廣成之言何以加此辭歸天台盧
藏遠指終南山曰此中大有佳處何必天台對曰以僕觀之
乃仕宦之捷徑爾盧初隱終南後登朝聞言殊有慚色女貞
有名焦靜貞者泛海詣蓬萊求師至一山見道者指言曰天
台山司馬承禎名在丹臺身居赤城爾良師也靜貞旣還詣
承禎求度未幾昇天嘗降人間謂薛季昌曰司馬先生得道
高於陶都水之任當爲東華上清真人開元中文靖天師與
承禎赴長生殿千秋節齋直中夜行道畢隔雲屏各就枕斯
須忽聞小兒誦經聲玲玲如金玉響天師乃褰裳躡步而窺
之見承禎額上有小日如錢光耀一席逼而聽之乃承禎腦
中之聲也天師還謂其徒曰黃庭經云泥丸九真皆有房方
圓一寸處此中又云左神公子發神語其先生之謂乎一日

謂弟子曰吾於玉霄峯東望蓬萊有靈真降駕今爲東海小
清童君東華君所召必須往俄頃化去如蟬蛻弟子葬其衣
冠焉時年八十有九玄宗親撰碑文有修真祕旨天地宮府
圖坐忘論登真系等書行於世詔贈銀青光祿大夫諡正一
先生

陳世安

京兆人好道遇僊白日昇
天治小台山見總僊傳

謝自然

華陽女冠幼而入道慕南岳魏夫人之操至天
台從司馬子微學道後白日僊去事見續僊傳

汪子華

字時美三舉不第嘆曰年逾不惑不登仕版何面目見
朋友乎遂與顏真卿同事白雲先生張約再師赤城先

生司馬承禎丹成道備
貞元五年白日昇天

李元

開元間嘗遊華山採藥忽一日騎白鹿謂山下人曰我
今遊天台有三老人遮道留之不可見王籙凝僊傳

王可交

蘇州人嘗棹舟入松江中流見畫舫有道士七人皆玉
冠霞帔一人呼可交與二栗命黃衣送上岸且令合眼

洎開眼已失黃衣但見峯巒中松柏參天問之乃天台山瀑
布寺前也自是不食後挈妻子入四明山不復出具見靈異
考

許碛少爲進士晚學道常歷天台於懸崖人不及處題曰許碛

王旻

不知何許人天寶中賜號太和先生有姑亦得道年七百歲往來天台貌如嬰孩見湖海紀聞

夏侯隱

不知何許人大中末遊天台獨止一室或露宿草樹間每登山渡水則閉目而睡比至則覺人呼睡僊見僊傳

拾遺

月光童子

巨鰲記云有人誤入嵩高山見東南大巖下石孔中入有大宮闕自然明燭與日月無異有六僊人云月

光童子在天台往來此中非有道不得見又見總僊記

五代呂洞賓

遊天台居福聖觀靈應事跡甚多嘗題一絕於壁云青蛇遶地月徘徊夜靜雲閑鶴未回欲度有緣

人換骨暫留踪跡在天台宋紹興間一丐者負其母歌於市但云只兩口既久詢羣丐所聚則無是人一日到台州出崇

和門至泉井洋擲其母於水乃一巨瓢跨而昇空人方思兩口乃呂字也

厲歸真

天台縣人也性嗜酒冬夏常衣單衣妙於水墨見屋壁即畫鵲時人不知其得道也以天祐三年十一月於河

中府中條山白日冲天告時人曰吾本台州府唐興縣人有弟在彼脫下破布衫服星簪羽袂而輕舉雲中寥寥有簫管

聲之

宋張伯端

天台人字平叔少好學晚傳混元之道而未備孜孜訪問遍歷四方後遊蜀遇劉海蟾授金液還丹火候

之訣乃改名用誠號紫陽能出陽神自謂得形神俱妙之道歸以所得粹成秘訣八十一首號悟真篇後世宗之稱爲天台僊派年九十九歲跌坐而化用火燒化得舍利千百大者如芡實色皆紺碧至淳熙中其家蚤起見一道流踞上席而坐叩其家事歷歷值其孫他出而去人以爲用誠之歸云

白玉蟾

得法於張伯端之再傳往還天台諸山博洽儒書究竟禪理出言成章文不加點用都天大雷之法祈禳輒應

時言休咎驚動輦俗嘗墮西湖遶尋不見達旦則在水上猶曛然也後尸解於海豐縣

姜僊翁

牧牛山谷中夏熱招雲覆之旱則呼雨多著神異後坐化人以其真骨塑像見存豐饒坑廟旱潦有禱必應

沈僊翁

歲旱遇人曰請我以瓜酒必雨果如其言子小僊翁靈異如父併塑於尖山廟

道士

東漢劉根

字君安長安人隱永嘉飛霞洞嘗至天台赤城訪紫極君見僊家雜記葛洪神僊傳

晉白雲先生

洞天福地記靈墟乃白雲先生隱處世說載王右軍得筆法於白雲先生又按野史辯才云右軍作

蘭亭記三百七十五字始夢天台子真傳授筆訣以永字爲法云其後司馬子微亦號白雲子

梁夏馥

字子治陳留人入桐柏山遇王真人授以黃水雲漿之法今在洞中爲明晨侍郎見陶弘景真誥

齊褚伯玉

錢塘人也年十六家爲娶婦乘車而入先生踰垣而出隱於天台中峯二十年樵人見之在重巖之下顏

色怡怡左右惟有松屑二裹由是遠近知之齊高帝徵之不起乃移居大霍山僊去

葉法善

字道元松陽人七歲溺於江中三年不還父母問其故曰青童引我飲以雲漿朝於太上太上領而留之自僊

府還已有役使鬼神之術年十五中毒殆死見青童曰天台苗君飛印相救於是獲蘇開元初爲銀青光祿大夫鴻臚卿封越國公充景隆觀主嘗於上元夜引玄宗於西涼府觀燈又嘗因八月望夜與玄宗遊月宮聆月中中樂顯慶中奉命

修黃籙齋於天台山桐柏觀顯跡甚多

唐甘泉先生

不知何許人隱華頂峯頻詔不起開元十八年元宗特於王屋山置臺觀以居之

吳筠

字正節通經義美文詞入嵩山依潘師正究其術南遊天台觀滄海與有名士相娛樂明皇召問每開陳皆名教世

務後復步剡中
忽焚香返真

賀知章

字季真會稽人按許鼎撰通和先生祖貫碑云貫學黃老初賀監得攝生之術負笈賣藥數百年不死後於天

台山昇僊見高道傳知章見唐書隱逸傳亦嘗棄官入道昇僊之說恐未必然

田虛應

字良逸薛季昌以上清大洞法授之潭州旱蓬髮至無言而雨降久雨不止默然岸幘而坐卽霽元和中入天

台不復出憲宗詔不起神人持金鑪降詔因羽化

馮惟良

字雲翼師田虛應元和中入天台元稹聞其風而悅之桐柏觀正一先生完葺以來湮廢之久惟良乃再締構

作上清室降真堂白雲亭脩閑亭遠復正一先生之迹以三洞之道行於江表憲宗詔不起一日沐浴冠簪降庭若有所

對召須臾陞階遂化

吳善經

縉雲僊都山人年十七爲道士遍登匡廬天台三茅元和甲午年八月十三羽化詳見權德輿大清三洞法師

吳先生碑

應夷節

字適中汝南人也唐明皇開元中高士應凝之曾孫七歲詣蘭谿靈瑞觀出家年十三與道士籍久之遊天台

龍虎山受正一紫虛都功等錄而後復受昇玄上清回車畢道及紫文素帶籍地騰天符且上清大法自陶隱居傳王遠知王傳潘先生潘傳司馬諫師司馬傳薛李昌薛傳田良逸田傳馮惟良馮傳夷節也師行之精勤故動有神靈之助唐武宗會昌中就天台桐柏觀之西南別建淨壇以居觀察使李褒閒來問道因奏請院額因詔以道元爲名拾遺張穎撰記公卿以師名奏聞詔賜服號固辭回詔宗乾甯中忽一日沐浴入靜凝神如有所待至翌日味爽解化及遷神就窆但空棺而已

閻丘方遠

字大方舒州宿松人也幼而辯慧年十九問大丹於香林左元澤復詣僊都山隱真巖事劉處靜學修真

出世之術三十四歲受法錄於天台玉霄宮葉藏質真文秘訣盡蒙付授而方遠守一行氣之暇篤好子史羣書每披卷必一覽之不遺於心常自言葛稚川陶貞白吾之師友也詮太平經爲三十篇備盡樞要其聲名愈播於江淮間唐昭宗景福二年錢塘彭城王錢鏐深慕方遠道德訪於餘杭大滌洞築室宇以安之昭宗累徵之竟不赴召乃降詔褒異就頒命服俾耀玄風賜號妙有大師玄同先生闡揚聖化啓發蒙昧真靈事跡顯聞吳楚由是從而學者無遠不至天復二年二月十四日沐浴焚香端拱而坐俟亭午而化顏色怡暢屈伸自遂異香芬馥三日不散弟子以從俗葬舉以就棺但空

衣而尸解矣葬於大滌洞之傍白鹿山後有道俗於僊都山及廬山累見之自言我捨大滌洞歸隱瀟山天柱源也

左玄澤

永嘉人性介不隨俗居玉霄峯二年絕粒不語常制真一頌見赤城志又按續志載左同仁云卽前志玄澤也

師徐徵君常遊山經旬不返樵者見與三虎坐不食五穀後尸解見總僊傳

陳惠虛

河東人爲僧居國清寺嘗與同侶遊石橋遇異人自此慕道晚歸終南山遇一老叟遺以大丹服之昇天而去

見僊傳拾遺具見靈異考

陳寡言

字太初隱於玉霄峯號曰華林天台草法有闕遺者拾而補之惟傳度弟子有劉介者就華林請教奉几杖香

火凡二十年盡寡言之道寡言將尸解謂劉介曰當盛我以布囊致石室中慎勿以木爲也又以詩示其徒曰我本無形

暫有形偶來人世逐營營輪迴債負今還了搔首索然歸上清別有詩十篇舊在天台道元院

徐靈府

號默希子錢塘天目山人通儒學無冀於名利居天台雲蓋峯虎頭巖石室中凡十餘年絕粒久之凝寂而化

享年八十二著玄鑑五篇詮通玄真經十二篇及撰天台山記三洞要略寒山子集序

葉藏質

字含象處州松陽人法善之裔也詣天台馮惟良授三洞經錄於玉霄峯選勝創道齋號石門山居日誦道德